





史記抄卷之二十三

魏世家

佐晉文公之伯者魏武佐晉悼公之伯者魏絳也及文侯則浸浸乎賢君矣然師事

卜子夏及段干木孔伋與吳起輩何以故事業無聞已而未造得一公子無忌然卒為讒言所間不得任國政而魏隨以亡悲夫

魏之先畢公高之後也畢公高與周同姓武王之伐紂而高封於畢於是為畢姓其後絕封為庶人或在中國或在夷狄其苗裔曰畢萬事晉獻公獻公之十六年趙夙為御畢萬為右以伐霍耿魏滅之以耿封趙夙以魏封畢萬為大夫卜偃曰畢萬之後必大矣萬蒲數也魏大名也以是始賞天開之矣天子曰兆民諸侯曰萬民



今命之大。以從滿數。其必有衆。初。畢萬卜事晉。遇屯之  
比。辛廖占之曰。吉。屯固比入。吉孰大焉。其必蕃昌。畢萬  
封十一年。晉獻公卒。四子爭更立。晉亂。而畢萬之世彌  
大。從其國名爲魏氏。生武子。魏武子以魏諸子事晉公  
子重耳。晉獻公之二十一年。武子從重耳出亡。十九年  
反。重耳立爲晉文公。而令魏武子襲魏氏之後。封列爲  
大夫。治於魏。生悼子。魏悼子徙治霍。生魏絳。魏絳事晉  
悼公。悼公三年。會諸侯。悼公弟楊干亂行。魏絳僇辱楊  
干。悼公怒曰。合諸侯以爲榮。今辱吾弟。將誅魏絳。或說  
悼公。悼公止。卒任魏絳政。使和戎。翟戎翟親附。悼公之



十一年曰自吾用魏絳八年之中九合諸侯戎翟和子  
之力也賜之樂三讓然後受之徙治安邑魏絳卒謚爲  
昭子生魏嬴嬴生魏獻子獻子事晉昭公昭公卒而六  
卿彊公室卑晉頃公之十二年韓宣子老魏獻子爲國  
政晉宗室祁氏羊舌氏相惡六卿誅之盡取其邑爲十  
縣六卿各令其子爲之大夫獻子與趙簡子中行文子  
范獻子並爲晉卿其後十四歲而孔子相魯後四歲趙  
簡子以晉陽之亂也而與韓魏共攻范中行氏魏獻子  
生魏侈魏侈與趙鞅共攻范中行氏魏侈之孫曰魏桓  
子與韓康子趙襄子共伐滅知伯分其地桓子之孫曰



文侯都魏。文侯元年。秦靈公之元年也。與韓武子。趙韓  
子周威王同時。六年。城少梁。十三年。使子擊圍繁龐。出  
其民。十六年。伐秦。築臨晉元里。十七年。伐中山。使子擊  
守之。趙倉唐傳之。子擊逢文侯之師。田子方於朝歌。引  
車避下。謁田子方。不爲禮。子擊因問曰。富貴者驕人乎。  
且貧賤者驕人乎。子方曰。亦貧賤者驕人耳。夫諸侯而  
驕人。則失其國。大夫而驕人。則失其家。貧賤者行不合  
言不用。則去之。楚越若脫躡然。柰何其同之哉。子擊不  
懌而去。西攻秦。至鄭而還。築維陰。合陽。二十二年。魏趙  
韓列爲諸侯。二十四年。秦伐我。至陽狐。二十五年。子擊



生子瑩。文侯受子夏經藝。客段干木。過其門。未嘗不軾也。秦嘗欲伐魏。或曰。魏君賢。人是禮。國人稱仁。上下和合。未可圖也。文侯由此得譽於諸侯。任西門豹守鄴。而河內稱治。魏文侯謂李克曰。先生嘗教寡人曰。家貧則思良妻。國亂則思良相。今所置非成。則璜二子何如。李克對曰。臣聞之。卑不謀尊。疎不謀戚。臣在闕門之外。不敢當命。文侯曰。先生臨事勿讓。李克曰。君不察故也。居視其所親。富視其所與。達視其所舉。窮視其所不爲。貧視其所不取。五者足以定之矣。何待克哉。文侯曰。先生就舍。寡人之相定矣。李克趨而出。過翟璜之家。翟璜曰。



今者聞君召先生而卜相。果誰爲之。李克曰。魏成子爲相矣。翟璜忿然作色曰。以耳目之所覩。記臣何負於魏成子。西河之守。臣之所進。君內以鄴爲憂。臣進西門豹。君謀欲伐中山。臣進樂羊。中山已拔。無使守之。臣進先生。君之子無傅。臣進屈侯鮒。臣何負於魏成子。李克曰。且子之言。克於子之君者。豈將比周以求大官哉。君問而置相。非成則璜。二子何如。克對曰。君不察故也。居視其所親。富視其所與。達視其所舉。窮視其所不爲。貧視其所不取。五者足以定之矣。何待克哉。是以知魏成子之爲相也。且子安得與魏成子比乎。魏成子以食祿千



鍾什九在外什一在內是以東得卜子夏田子方段干木  
此三人者君皆師之子之所進五人者君皆臣之子惡得  
與魏成子比也翟璜逡巡再拜曰璜鄙人也失對願卒爲  
弟子二十六年虢山崩壅河三十二年伐鄭城酸棗敗秦  
于注三十五年齊伐取我襄陵三十六年秦侵我陰晉三  
十八年伐秦敗我武下得其將識是歲文侯卒子擊立是  
爲武侯魏武侯元年趙敬侯初立公子朔爲亂不勝奔魏  
與魏襲邯鄲魏敗而去二年城安邑王垣七年伐齊至桑  
丘九年翟敗我于澮使吳起伐齊至靈丘齊威王初立十  
一年與韓趙三分晉地滅其後十三年秦獻公縣櫟陽十五



年敗趙比蘭十六年伐楚取魯陽武侯卒子瑩立是爲惠  
王惠王元年初武侯卒也子瑩與公中緩爭爲太子公孫  
順自宋入趙自趙入韓謂韓懿侯曰魏瑩與公中緩爭爲  
太子君亦聞之乎今魏瑩得王錯挾上黨固半國也因而  
除之破魏必矣不可失也懿侯詭乃與趙成侯合軍并兵  
以伐魏戰于濁澤魏氏大敗魏君圍趙謂韓曰除魏君立  
公中緩割地而退我且利韓曰不可殺魏君人必曰暴割  
地而退人必曰貪不如兩分之魏分爲兩不彊於宋衛則  
我終無魏之患矣趙不聽韓不說以其少卒夜去惠王之  
所以身不死國不分者二家謀不和也若從一家之謀則



楊慎曰書緯  
趙伐魏即叙此  
而論此於內左  
月也

魏必分矣。故曰：君終無適子，其國可破也。二年，魏敗韓  
于馬陵，敗趙于懷。三年，齊敗我觀。五年，與韓會宅陽城。  
武堵爲秦所敗。六年，伐取宋儀臺。九年，伐敗韓于澮，與  
秦戰少梁，虜我將公孫痤，取龐。秦獻公卒，子孝公立。十  
年，伐取趙皮牢。彗星見。十二年，星晝墜有聲。十四年，與  
趙會鄆。十五年，魯衛宋鄭君來朝。十六年，與秦孝公會  
杜平，侵宋黃池，宋復取之。十七年，與秦戰元里，秦取我  
少梁，圍趙邯鄲。十八年，拔邯鄲。趙請救于齊，齊使田忌  
孫臏救趙，敗魏桂陵。十九年，諸侯圍我襄陵，築長城，塞  
固陽。二十年，歸趙邯鄲，與盟漳水上。二十一年，與秦會



魏文侯洞中山使子  
擊守之後尋及  
國至是始令相  
魏其曰又乃趙  
所滅

形趙成侯卒二十八年齊威王卒中山君相魏三十年  
魏伐趙趙告急齊齊宣王用孫子計救趙擊魏魏遂大  
興師使龐涓將而令太子申爲上將軍過外黃外黃徐  
子謂太子曰臣有百戰百勝之術太子曰可得聞乎客  
曰固願效之曰太子自將攻齊大勝并莒則富不過有  
魏貴不益爲王若戰不勝齊則萬世無魏矣此臣之百  
戰百勝之術也太子曰諾請必從公之言而還矣客曰  
太子雖欲還不得矣彼欲勸太子戰攻欲啜汁者衆太  
子雖欲還恐不得矣太子因欲還其御曰將出而還與  
比同太子果與齊人戰敗於馬陵齊虜魏太子申殺將



軍潰。遂大破。三十一年。秦趙齊共伐我。秦將商君詐  
我將軍公子卬。而襲奪其軍。破之。秦用商君。東地至河  
而齊趙數破我。安邑近秦。於是徙治大梁。以公子赫爲  
太子。三十三年。秦孝公卒。商君亡。秦歸魏。魏怒不入。三  
十五年。與齊宣王會平阿南。惠王數敗於軍旅。卑禮厚  
幣。以招賢者。鄒衍淳于髡孟軻皆至梁。梁惠王曰。寡人  
不佞。兵三折於外。太子虜。上將死。國以空虛。以羞先君。  
宗廟社稷。寡人甚醜之。叟不遠千里。辱幸至。弊邑之廷。  
將何以利吾國。孟軻曰。君不可以言利。若是。夫君欲利。  
則大夫欲利。大夫欲利。則庶人欲利。上下爭利。國則危。



高云據此是尊  
王則惠王存日  
但稱侯未稱王也  
寧孟子之書山  
據此追尊了  
書之與

矣。爲人君仁義而已矣。何以利爲。三十六年。復與齊王  
會甄。是歲惠王卒。子襄王立。襄王元年。與諸侯會徐州。  
相王也。追尊父惠王爲王。五年。秦敗我龍賈軍四萬五  
千于雕陰。圍我焦曲沃。予秦河西之地。六年。與秦會應  
秦。取我汾陰皮氏。焦。魏伐楚。敗之陘山。七年。魏盡入上  
郡于秦。秦降我蒲陽。八年。秦歸我焦曲沃。十二年。楚敗  
我襄陵。諸侯執政。與秦相張儀會齧桑。十三年。張儀相  
魏。魏有女子化爲丈夫。秦取我曲沃。平周。十六年。襄王  
卒。子哀王立。張儀復歸秦。哀王元年。五國共攻秦。不勝。  
而去。二年。齊敗我觀津。五年。秦使樗里子伐取我曲沃。



犀首官名即  
公孫衍

走犀首岸門。六年，秦求立公子政爲太子，與秦會臨晉。  
七年，攻齊，與秦伐燕。八年，伐衛，拔列城二。如耳上魏伐衛衛君患之，如  
耳見衛君曰：「請罷衛兵，免成陵君，可乎？」衛君曰：「先生果  
能孤請，世世以衛事先生。」如耳見成陵君曰：「昔者魏伐  
趙，斷羊腸，拔閼與，約斬趙，趙分而爲二，所以不亡者，魏  
爲從主也。今衛已迫亡，將西請事於秦，與其以秦音釋驛衛，  
不如以魏驛衛。衛之德魏必終無窮。」成陵君曰：「諾。」如耳  
見魏王曰：「臣有謁於衛，衛故周室之別也，其稱小國，多  
寶器。今國迫於難，而寶器不出者，其心以爲攻衛驛衛，  
不以王爲主，故寶器雖出，必不入於王也。臣竊料之，先



言驛衛者必受衛者也。如耳出成陵君入以其言見魏王。魏王聽其說罷其兵免成陵君終身不見。九年與秦王會臨晉。張儀魏章皆歸于魏。魏相田需死。楚害張儀犀首。薛公楚相昭魚謂蘇代曰。田需死吾恐張儀犀首薛公有一人相魏者也。代曰。然相者欲誰而君便之。昭魚曰。吾欲太子之自相也。代曰。請爲君北。必相之。昭魚曰。柰何。對曰。君其爲梁王代請說君。昭魚曰。柰何。對曰。代也。從楚來。昭魚甚憂。曰。田需死吾恐張儀犀首薛公有一人相魏者也。代曰。梁王長主也。必不相張儀。張儀相必右秦而左魏。犀首相必右韓而左魏。薛公相必右



齊而左魏梁王長主也。必不便也。王曰：然則寡人孰相？  
代曰：莫若太子之自相。太子之自相，是三人者皆以太  
子爲非常相也。皆將務以其國事魏，欲得丞相璽也。以  
魏之彊而三萬乘之國輔之，魏必安矣。故曰：莫若太子  
之自相也。遂比見梁王，以此告之。太子果相魏。十年，張  
儀死。十一年，與秦武王會應。十二年，太子朝於秦。秦來  
伐我皮氏，未拔而解。十四年，秦來歸武王后。十六年，秦  
拔我蒲反。陽晉封陵。十七年，與秦會臨晉。秦予我蒲反。  
十八年，與秦伐楚。二十一年，與齊韓共敗秦軍函谷。二  
十三年，秦復予我河外及封陵爲和。哀王卒，子昭王立。



昭王元年秦拔我襄城二年與秦戰我不利三年佐韓  
攻秦秦將白起敗我軍伊闕二十四萬六年與秦河東  
地方四百里芒卯以詐重七年秦拔我城大小六十一  
八年秦昭王爲西帝齊湣王爲東帝月餘皆復稱王歸  
帝九年秦拔我新垣曲陽之城十年齊滅宋宋王死我  
湣十二年與秦趙韓燕共伐齊敗之濟西湣王出亡燕  
獨入臨淄與秦王會西周十三年秦拔我安城兵到大  
梁去十八年秦拔郢楚王徙陳十九年昭王卒子安釐  
王立安釐王元年秦拔我兩城二年又拔我二城軍大  
梁下韓來救予秦湣以和三年秦拔我四城斬首四萬



四年秦破我及韓趙殺十五萬人走我將芒卯魏將段  
干子請予秦南陽以和蘇代謂魏王曰欲璽者段干子  
也欲地者秦也今王使欲地者制璽使欲璽者制地魏  
氏地不盡則不知已且夫以地事秦譬猶抱薪救火薪  
不盡火不滅王曰是則然也雖然事始已行不可更矣  
對曰王獨不見夫博之所以貴梟者便則食不便則止  
矣今王曰事始已行不可更是何王之用智不如用梟  
也九年秦拔我懷十年秦太子外質於魏死十一年秦  
拔我鄆丘秦昭王謂左右曰今時韓魏與始孰彊對曰  
不如始彊王曰今時如耳魏齊與孟嘗芒卯孰賢對曰



不如王曰以孟嘗芒卯之賢率彊韓魏以攻秦猶無柰寡人何也今以無能之如耳魏齊而率弱韓魏以伐秦其無柰寡人何亦明矣左右皆曰甚然中旗馮琴對曰王之料天下過矣當晉六卿之時知氏最彊滅范中行又率韓魏之兵以圍趙襄子於晉陽決晉水以灌晉陽之城不湛者三版知伯行水魏桓子御韓康子爲參乘知伯曰吾始不知水之可以亡人之國也乃今知之汾水可以灌安邑絳水可以灌平陽魏桓子肘韓康子韓康子履魏桓子肘足接於車上而知氏地分身死國亡爲天下笑今秦兵雖彊不能過知氏韓魏雖弱尚賢其



猶云為幸其未  
甚急耳

在晉陽之下也。此方其用肘足之時也。願王之必勿易也。於是秦王恐齊楚相約而攻魏。魏使人求救於秦。冠蓋相望也。而秦救不至。魏人有唐雎者。年九十餘矣。謂魏王曰。老臣請西說秦王。令兵先臣出。魏王再拜遂约车而遣之。唐雎到。入見秦王。秦王曰。丈人芒然。乃遠至此。甚苦矣。夫魏之來求救數矣。寡人知魏之急已。唐雎對曰。大王已知魏之急。而救不發者。臣竊以為用策之臣無任矣。夫魏一萬乘之國也。然所以西面而事秦。稱東藩受冠帶。祠春秋者。以秦之彊足以為與也。今齊楚之兵已合於魏郊矣。而秦救不發。亦將賴其未急也。使



之大急彼且割地而約從王尚何救焉必待其急而救之是失一東藩之魏而彊二敵之齊楚則王何利焉於

唐雅之說中情事

是秦昭王遽爲發兵救魏魏氏復定趙使人謂魏王曰爲我殺范痤吾請獻七十里之地魏王曰諾使吏捕之圖而未殺痤因上屋騎危謂使者曰與其以死痤市不如以生痤市有如痤死趙不予王地則王將奈何故不若與先定割地然後殺痤魏王曰善痤因上書信陵君曰痤故魏之免相也趙以地殺痤而魏王聽之有如彊秦亦將襲趙之欲則君且奈何信陵君言於王而出之魏王以秦救之故欲親秦而伐韓以求故地無忌謂魏



楊慎曰代韓  
益近秦患一端  
主意

王曰千年以來絕調秦與戎翟同俗有虎狼之心貪戾  
好利無信不識禮義德行苟有利焉不顧親戚兄弟若  
禽獸耳此天下之所識也非有所施厚積德也故太后  
母也而以憂死穰侯舅也功莫大焉而竟逐之兩弟無  
罪而再奪之國此於親戚若此而況於仇讎之國乎今  
王與秦共伐韓而益近秦患臣甚惑之而王不識則不  
明羣臣莫以聞則不忠今韓氏以一女子奉一弱主內  
有大亂外交彊秦魏之兵王以為不亡乎韓亡秦有鄭  
地與大梁鄰王以為安乎王欲得故地今負彊秦之親  
王以為利乎秦非無事之國也韓亡之後必將更事更

提



事○必○就○易○與○種○就○易○與○種○必○不○伐○楚○與○趙○矣○以下指次秦之下韓

后兵不敢伐○楚○與○趙○是○何○也○夫○越○山○踰○河○絕○韓○鄴○而○攻○彊○趙○是○復○

閱○與○之○事○秦○必○不○爲○也○若○道○河○內○倍○鄴○朝○歌○絕○漳○金○水○

與○趙○兵○決○於○邯○鄲○之○郊○是○知○伯○之○禍○也○秦○又○不○敢○伐○楚○

道○涉○山○谷○行○三○千○里○而○攻○冥○阨○之○塞○所○行○甚○遠○所○攻○甚○

難○秦○又○不○爲○也○若○道○河○外○倍○大○梁○右○蔡○左○召○陵○與○楚○兵○

決○於○陳○郊○秦○又○不○敢○故○曰○秦○必○不○伐○楚○與○趙○矣○又○不○攻○魏○說○破○以下專

衛○與○齊○矣○夫○韓○亡○之○後○兵○出○之○日○非○魏○無○攻○已○指秦之

首伐魏○秦○固○有○懷○茅○邢○丘○城○埭○津○以○臨○河○內○河○內○共○汲○必○

危○有○鄭○池○得○垣○雍○決○滎○澤○水○灌○大○梁○大○梁○必○亡○王○之○使○



無害正是有害  
蓋乃句法

者出過而惡安陵氏於秦。秦之欲誅之久矣。秦葉陽昆陽與武陽鄰。聽使者之惡之。隨安陵氏而亡之。統舞陽之北。以東臨許。南國必危。國無害已。夫憎韓不愛安陵氏。可也。夫不患秦之不愛南國。非也。異日者。秦在河西。晉國去梁千里。有河山以闌之。有周韓以間之。從林鄉軍以至於今。以下追論韓未亡而秦七攻魏。五入圍中。魏且困於秦兵如此邊城盡拔。文臺墮。垂都焚。林木伐。麋鹿盡。而國繼以圖。又長驅梁北。東至陶衛之郊。北至平監。所亡於秦者。山南山北。河外河內。大縣數十名都數百。秦乃在河西。晉去梁千里。而禍若是矣。又况於使秦無韓。有鄭地無河。



山而闌之。無周韓而間之。去大梁百里。禍必由此矣。下以

直說韓亡則秦之禍必烈。異日者從之不成也。楚魏疑而韓不可得。

也。今韓受兵三年。秦撓之以講。識亡不聽。投質於趙。請為天下鴈行。頓刃楚趙。必集兵。皆識秦之欲無窮也。非盡亡天下之國。而臣海內。必不休矣。是故臣願以從事

王。以下纔說縱韓及楚趙而韓可以為利。

王速受楚趙之約。趙挾韓之質。

以存韓而求故地。韓必效之。此士民不勞而故地得其功多於與秦共伐韓。而又與彊秦鄰之禍也。夫存韓安魏而利天下。此亦王之天時已。通韓上黨於共。甯使道安成。出入賦之。是魏重質韓。以其上黨也。今有其財足



以富國韓必德魏愛魏重魏畏魏韓必不敢反魏是韓  
則魏之縣也魏德韓以爲縣衛大梁河外必安矣今不  
存韓二周安陵必危楚趙大破衛齊甚畏天下西鄉而  
馳秦入朝而爲臣不久矣二十年秦圍邯鄲信陵君無  
忌矯奪將軍晉鄙兵以救趙趙得全無忌因留趙二十  
六年秦昭王卒三十年無忌歸魏率五國兵攻秦敗之  
河內走蒙驁魏太子增質於秦秦怒欲囚魏太子增或  
爲增謂秦王曰公孫喜固謂魏相曰請以魏疾擊秦秦  
王怒必囚增魏王又怒擊秦秦必傷今王囚增是喜之  
計中也故不若貴增而合魏以疑之於齊韓秦乃止增



高特壽世  
平以其有係於  
魏之存亡也

三十一。年。秦。王。政。初。立。三十四。年。安。釐。王。卒。太。子。增。立。  
是。為。景。湣。王。信。陵。君。無。忌。卒。景。湣。王。元。年。秦。拔。我。二。十。  
城。以。為。秦。東。郡。二。年。秦。拔。我。朝。歌。衛。徙。野。王。三。年。秦。拔。  
我。汲。五。年。秦。拔。我。垣。蒲。陽。衍。十。五。年。景。湣。王。卒。子。王。假。  
立。王。假。元。年。燕。太。子。丹。使。荆。軻。刺。秦。王。秦。王。覺。之。三。年。  
秦。灌。大。梁。虜。王。假。遂。滅。魏。以。為。郡。縣。  
大。史。公。曰。吾。適。故。大。梁。之。墟。墟。中。人。曰。秦。之。破。梁。引。河。  
溝。而。灌。大。梁。三。月。城。壞。王。請。降。遂。滅。魏。說。者。皆。曰。魏。以。  
不。用。信。陵。君。故。國。削。弱。至。於。亡。余。以。為。不。然。天。方。令。秦。  
平。海。內。其。業。未。成。魏。雖。得。阿。衡。之。佐。曷。益。乎。  
魏世家畢



史記抄卷之二十四

田敬仲完世家

予覽田齊世家太史公奇其懿仲

宮中者不禁卒有七十餘男而田氏之宗亂矣  
威王彊齊處可觀。湣王以驕亡而君王后  
之入也母子蔽於秦之購而國以  
四十年不被兵而秦且併天下矣

陳完者陳厲公佗之子也完生周太史過陳陳厲公使

上完卦得觀之否是為觀國之光利用賓于王此其代

陳有國乎不在此而在異國乎非此其身也在其子孫

若在異國必姜姓姜姓四嶽之後物莫能兩大陳襄此

其昌乎厲公者陳文公少子也其母蔡女文公卒厲公

兄鮑立是為桓公桓公與佗異母及桓公病蔡人為佗



殺桓公鮑及太子免而立佗爲厲公。厲公旣立娶蔡女。蔡女淫於蔡人。數歸厲公亦數如蔡。桓公之少子林怨厲公殺其父與兄。乃令蔡人誘厲公而殺之。林自立是爲莊公。故陳完不得立爲陳大夫。厲公之殺以淫出國。故春秋曰蔡人殺陳佗罪之也。莊公卒立弟杵臼是爲宣公。宣公十一年殺其太子禦寇。禦寇與完相愛恐禍及已。完故奔齊。齊桓公欲使爲卿。辭曰羈旅之臣幸得免負檐君之惠也。不敢當高位。桓公使爲工正。齊懿仲欲妻完。卜之。占曰是謂鳳皇于蜚和鳴。鏘鏘有嬌之後。將育于姜。五世其昌。並于正鄉。八世之後莫之與京。卒



是音盈史記多作  
是字

妻完完之奔齊齊桓公立十四年矣完卒謚爲敬仲仲  
生穉孟夷敬仲之如齊以陳字爲田氏古人擅改姓者此田穉孟夷生滑  
孟莊田滑孟莊生文子湏無田文子事齊莊公晉之大  
夫欒逞作亂於晉來奔齊齊莊公厚客之晏嬰與田文  
子諫莊公弗聽文子卒生桓子無宇田桓子無宇有子  
事齊莊公甚有寵無宇卒生武子開與釐子乞田釐子  
乞事齊景公爲大夫其收賦稅於民以小斗受之其粟  
予民以大斗行陰德於民而景公弗禁由此田氏得衆  
心宗族益彊民思田氏晏子數諫景公景公弗聽以晏  
賢又得君之專而景公賢君也卒不能損田  
氏之權此可見天心所移人未如之何也已而使於



晉與叔向私語曰齊國之政其卒歸於田氏矣晏嬰卒  
後范中行氏反晉晉攻之急范中行請粟於齊田乞欲  
爲亂樹黨於諸侯乃說景公曰范中行數有德於齊齊  
不可不救齊使田乞救之而輸之粟景公太子死後有  
寵姬曰芮子生子荼景公病命其相國惠子與高昭子  
以子荼爲太子景公卒兩相高國立荼是爲晏孺子而  
田乞不說欲立景公佗子陽生陽生素與乞歡晏孺子  
之立也陽生奔魯田乞僞事高昭子國惠子者每朝代  
參乘言曰始諸大夫不欲立孺子孺子旣立君相之大  
夫皆自危謀作亂又給大夫曰高昭子可畏也及未篡



先之。諸大夫從之。田乞鮑牧與大夫以兵入公室。攻高  
昭子。昭子聞之。與國惠子救公。公師敗。田乞之衆追國  
惠子。惠子奔莒。遂反殺高昭子。晏孺子奔魯。田乞使人  
之魯迎陽生。陽生至齊。匿田乞家。請諸大夫曰。常之母  
有魚菽之祭。幸而來會飲。會飲。田氏田乞盛陽生橐中。  
置坐中央。發橐。出陽生。曰。此乃齊君矣。大夫皆伏謁。將  
盟立之。田乞誣曰。吾與鮑牧謀共立陽生也。鮑牧怒曰。  
大夫忘景公之命乎。諸大夫欲悔。陽生乃頓首曰。可則  
立之。不可則已。鮑牧恐禍及已。乃復曰。皆景公之子。何  
爲不可。遂立陽生於田乞之家。是爲悼公。乃使人遷晏



言部廿三

程四百三十八

孺子於駘而殺孺子荼悼公既立田乞爲相專齊政四年田乞卒子常代立是爲田成子鮑牧與齊悼公有郤弑悼公齊人共立其子壬是爲簡公田常成子與監止俱爲左右相相簡公田常心害監止監止幸於簡公權弗能去於是田常復脩鑿子之政以大斗出貸以小斗收齊人歌之曰嫗乎采芑歸乎田成子齊大夫朝御鞅諫簡公曰田監不可並也君其擇焉君弗聽子我者監止之宗人也常與田氏有郤田氏疏族田豹事子我子我欲誅田而泄寵子我曰吾欲盡滅田氏適以豹代田氏宗豹曰臣於田氏疏矣不聽已而豹謂田氏曰子我將誅田氏田氏



弗先禍及矣。子我舍公宮。田常兄弟四人乘如公宮。欲殺子我。子我閉門。簡公與婦人飲檀臺。將欲擊田常。太史子餘曰：「田常非敢為亂，將除害。」簡公乃止。田常出，聞簡公怒，恐誅將出，亡。田子行曰：「需事之賊也。」田常於是擊子我。子我率其徒攻田氏，不勝，出亡。田氏之徒追殺子我及監止。簡公出奔。田氏之徒追執簡公于徐州。簡公曰：「蚤從御鞅之言，不及此難。」田氏之徒恐簡公復立而誅已，遂殺簡公。簡公立四年而殺。於是田常立。簡公弟驁是為平公。公平公即位，田常為相。田常既殺簡公，懼諸侯共誅已，乃盡歸魯衛侵地。西約晉韓魏，趙氏南通。



高云以刑討自任也  
德已布而文所施威  
以制之也

吳越之使脩功行賞親於百姓以故齊復定田常言於  
齊平公曰德施人之所欲君其行之刑罰人之所惡臣  
請行之行之五年齊國之政皆歸田常田常於是盡誅  
鮑晏監止及公族之彊者而割齊自安平以東曹操之  
司馬昭父子之於魏劉裕之於晉以下並本此至琅瑯自為封邑封邑大於平  
公之所食田常乃選齊國中女婁子七尺以上為後宮  
後宮以百數而使賓客舍人出入後宮者不禁及田常  
卒有七十餘男田常沒齊而田氏之宗先亂矣田常卒子襄子盤代立  
相齊常謚為成子田襄子既相齊宣公三晉殺知伯分  
其地繁其技固其黨與四世而襄子使其兄弟宗久盡  
后滅姜齊而田齊因以立



爲齊都邑大夫。與三晉通使。且有齊國。襄子卒。子莊子  
白立。田莊子相齊。宣公四十二年。伐晉。毀黃城。圍  
陽狐。明年。伐魯。葛及安陵。明年。取魯之一城。莊子卒。子  
太公和立。田太公相齊。宣公四十八年。取魯之郕。  
明年。宣公與鄭人會西城。伐衛。取毋丘。宣公五十一年。  
卒。田會自廩丘反。宣公卒。子康公貸立。貸立十四年。淫  
於酒婦人。不聽政。太公乃遷康公於海上。食一城。以奉  
其先祀。明年。魯敗齊平陸。三年。太公與魏文侯會濁澤。  
求爲諸侯。魏文侯乃使使言周天子。及諸侯。請立齊相。  
田和爲諸侯。周天子許之。康公之十九年。田和立爲齊。



歸震川曰或疑三  
而傳向不向韓國策  
又作國王燕吟了  
按此西元漢史公失  
冊驪忌至威王時將  
以鼓琴于進位列  
大臣

侯列於周室。紀元年，齊侯太公和立。二年，和卒。子桓公  
午立。桓公午五年，秦魏攻韓，韓求救於齊。齊桓公召大臣  
而謀曰：「蚤救之，孰與晚救之？」騶忌曰：「不若救之。」段干朋曰：「  
不救，則韓且折而入於魏，不若救之。」田臣思曰：「過矣。君  
之謀也。」秦魏攻韓，楚趙必救之。提至。是天以燕予齊也。桓公  
曰：「善。」乃陰告韓使者而遣之。韓自以為得齊之救，因與  
秦魏戰。楚趙聞之，果起兵而救之。齊因起兵襲燕國，取  
桑丘。六年，救衛。桓公卒，子威王因齊立。是歲，故齊康公  
卒，絕無後。奉邑皆入田氏。齊威王元年，三晉因齊喪來  
伐我靈丘。三年，三晉滅晉後而分其地。六年，魯伐我入。



陽關晉伐我。至博陵七年。衛伐我。取薛陵。九年。趙伐我。取甄威。<sup>提</sup>王初即位以來不治。委政卿大夫。九年之間。諸侯並伐。國人不治。於是威王召即墨大夫而語之曰。自予之居即墨也。毀言日至。然吾使人視即墨。田野闢。民人給。官無留事。東方以寧。是子不事吾左右以求譽也。封之萬家。召阿大夫語曰。自予之守阿。譽言日聞。然使使視阿。田野不闢。民貧苦。昔日趙攻甄。子弗能救。衛取薛陵。子弗知。是子以幣厚吾左右以求譽也。是日烹阿大夫。及左右嘗譽者。皆并烹之。遂起兵西擊趙。衛敗。魏獻澤而圍惠王。惠王請獻觀以和解。趙人歸我長城於



是齊國震懼人人不敢飾非務盡其誠齊國大治諸侯  
聞之莫敢致兵於齊二十餘年騶忌子以鼓琴見威王  
威王說而舍之右室湏臾王鼓琴騶忌子推戶入曰善  
哉鼓琴王勃然不說去琴按劍曰夫子見容未察何以  
知其善也騶忌子曰夫大弦濁以春溫者君也小弦廉  
折以清者相也攫之深醕之愉者政令也鈞諧以鳴大  
小相益回邪而不相害者四時也吾是以知其善也王  
曰善語音騶忌子曰何獨語音夫治國家而弭人民皆  
在其中王又勃然不說曰若夫語五音之紀信不有知  
夫子者也若夫治國家而弭人民又何爲乎絲桐之間



騶忌子曰夫大弦濁以春溫者君也小弦廉折以清者  
相也攫之深而醕之愉者政令也鈞諧以鳴大小相益  
回邪而不相害者四時也夫復而不亂者所以治昌也  
連而徑者所以存亡也故曰琴音調而天下治夫治國  
家而弭人民者無若乎五音者王曰善騶忌子見三月  
而受相印淳于髡見之曰善說哉髡有愚志願陳諸前  
騶忌子曰謹受教淳于髡曰得全全昌失全全亡騶忌  
子曰謹受令請謹毋離前髡之善爲諷忌之善爲悟爾奇也淳于髡曰  
狶膏棘軸所以爲滑也然而不能運方穿騶忌子曰謹  
受令請謹事左右淳于髡曰弓膠昔幹所以爲合也然



而不能傳合䟽鑄騶忌子曰謹受令請謹自附於萬民

淳于髡曰狐裘雖弊不可補以黃狗之皮騶忌子曰謹

受令請謹擇君子毋雜小人其間淳于髡曰大車不較

不能載其常任琴瑟不較不能成其五音騶忌子曰謹

受令請謹脩法律而督姦吏淳于髡說畢趨出至門而

面其僕曰是人者吾語之微言五其應我若響之應聲

是人必封不久矣居基年封以下邳號曰成侯威王二

十三年與趙王會平陸二十四年與魏王會田於郊魏

王問曰王亦有寶乎威王曰無有覽威王之論寶其識遠矣所以能伯梁

王曰若寡人國小也尚有徑寸之珠照車前後各十二



乘者十枚。柰何以萬乘之國而無寶乎？威王曰：寡人之所以爲寶與王異。吾臣有檀子者，使守南城，則楚人不敢爲寇；東取泗上十二諸侯皆來朝。吾臣有盼子者，使守高唐，則趙人不敢東漁於河；吾吏有黔夫者，使守徐州，則燕、郢北門。趙人祭西門，從而從者七千餘家。吾臣有種首者，使備盜賊，則道不拾遺。將以照千里，豈特十二乘哉？梁惠王慙，不懌而去。二十六年，魏惠王圍邯鄲，趙求救於齊。齊威王召大臣而謀曰：救趙孰與勿救？驕忌子曰：不如勿救。段干朋曰：不救則不義，且不利。威王曰：何也？對曰：夫魏氏并邯鄲，其於齊何利哉？且夫救趙



歸云其後二字誤  
有誤

而軍其郊。是趙不伐而魏全也。故不如南攻襄陵以弊魏。邯鄲拔而乘魏之弊。威王從其計。其後成侯驕忌與田忌不善。公孫閱謂成侯忌曰：「公何不謀伐魏？田忌必將，戰勝有功，則公之謀中也。戰不勝，非前死則後死，而命在公矣。」巧險之言。近代宰相往往以此私怨士大夫薦授督撫而殺之。即此。於是成侯言威王，使田忌南攻襄陵。十月，邯鄲拔。齊因起兵擊魏，大敗之桂陵。於是齊最彊於諸侯，自稱為王，以令天下。三十三年，殺其大夫。三十五年，公孫閱又謂成侯忌曰：「公何不令人操十金於市，曰：『我田忌之人也。』吾三戰而三勝，聲威天下，欲為大事，亦吉乎？不吉乎？」



出因令人捕爲之卜者驗其辭於王之所田忌聞之因

遂率其徒襲攻臨淄求成侯不勝而奔

戰國策所載騶忌忌田忌戰功

不得入齊當有據

三十六年威王卒子宣王辟彊立宣王元年

秦用商鞅周致伯於秦孝公二年魏伐趙趙與韓親共  
擊魏趙不利戰於南梁宣王召田忌復故位韓氏請救  
於齊宣王召大臣而謀曰蚤救孰與晚救騶忌子曰不  
如勿救田忌曰弗救則韓且折而入於魏不如蚤救之  
孫子曰夫韓魏之兵未弊而救之是吾伐韓受魏之兵  
顧反聽命於韓也且魏有破國之志韓見亡必東面而  
愬於齊矣吾因深結韓之親而晚承魏之弊則可重利



而得尊名也。宣王曰：「善。」乃陰告韓之使者而遣之。韓因恃齊，五戰不勝，而東委國於齊。齊因起兵，使田忌、田嬰將，孫子爲帥，救韓，趙以擊魏，大敗之。馬陵殺其將龐涓，虜魏太子申。孫臏之謀巧於借魏脅韓，而因自爲功矣。即桓公五年，田臣思所不救韓於以聽。楚趙之起，無救而已。其後三晉之王皆因田嬰朝齊王，於博望盟而去。七年，與魏王會平阿南。明年，復會甄。魏惠王卒，明年與魏襄王會徐州。諸侯相王也。十年，楚圍我徐州。十一年，與魏伐趙。趙決河水灌齊，魏兵罷。十八年，秦惠王稱王。宣王喜文學游說之士，自如騶衍、淳于髡、田駢，接予慎到、環淵之徒，七十六人，皆賜列第爲上。



大夫不治而議論是以齊稷下學士復盛且數百人孟軻

氏且繼而不用宣王所好者聲名耳而非其實也十九年宣王卒子湣王地立

湣王元年秦使張儀與諸侯執政會于齧桑三年封田

嬰于薛四年迎婦于秦七年與宋攻魏敗之觀澤十二

年攻魏楚圍雍氏秦敗屈丐蘇代謂田軫曰臣願有謁

於公其為事甚完使楚利公成為福不成亦為福蘇代此論

以韓魏齊秦楚五國為掌上丸今者臣立於門客有言曰魏王謂韓馮

張儀曰煮棗將拔齊兵又進子來救寡人則可矣不救

寡人寡人弗能拔此特轉辭也秦韓之兵毋東旬餘則

魏氏轉韓從秦秦逐張儀交臂而事齊楚此公之事成



儀為韓而輕為楚  
而人素相惡故國  
欲中其策只  
為奇謀耳

欲免齊兵乃令楚  
割地說王  
挾詐  
如此

也。田軫曰：「柰何使無東？」對曰：「韓、馮之救魏之辭，必不謂韓王曰：『馮以爲魏，必曰：『馮將以秦、韓之兵東却齊、宋。馮因搏三國之兵，乘屈丐之弊，南割於楚，故地必盡得之矣。』』張儀救魏之辭，必不謂秦王曰：『儀以爲魏，必曰：『儀且以秦、韓之兵東距齊、宋，儀將搏三國之兵，乘屈丐之弊，南割於楚，名存亡國，實代三川而歸此王業也。』』公令楚王與韓氏地，使秦制和，謂秦王曰：『請與韓地，而王以施三川。』韓氏之兵不用而得地於楚，韓、馮之東兵之辭，且謂秦何？曰：『秦兵不用而得三川，伐楚、韓以窘魏，魏氏不敢東，是孤齊也。』張儀之東兵之辭，且謂何？曰：『秦韓欲地，



而兵有案。聲威發於魏。魏氏之欲不失。齊楚者有資矣。  
魏氏轉秦韓。爭事齊楚。楚王欲而無與地。公令秦韓之  
兵不用而得地。有一大德也。秦韓之王劫於韓。馮張儀  
而東。兵以徇服魏。公常執左券以責於秦韓。此其善於  
公而惡張子多資矣。十三年。秦惠王卒。二十三年。與秦  
擊敗楚於重丘。二十四年。秦使涇陽君質於齊。二十五  
年。歸涇陽君于秦。田文之謀孟嘗君薛文入秦。即相秦。文亡去。二十  
六年。齊與韓魏共攻秦。至函谷軍焉。二十八年。秦與韓  
河外以和。兵罷。二十九年。趙殺其主父。齊佐趙滅中山。  
三十六年。王爲東帝。秦昭王爲西帝。蘇代自燕來入齊。



當從國策作勿庸稱

高云蘇介高居王曰稱帝甚正且其詞更明快可勸觀

見於章華東門齊王曰嘻善子來秦使魏冉致帝子以爲何如對曰王之問臣也卒而患之所從來微願王受之而勿備稱也秦稱之天下安之王乃稱之無後也且讓爭帝名無傷也秦稱之天下惡之王因勿稱以收天下此大資也且天下立兩帝王以天下爲尊齊乎尊秦乎王曰尊秦曰釋帝天下愛齊乎愛秦乎王曰愛齊而憎秦曰兩帝立約伐趙孰與伐桀宋之利王曰伐桀宋利對曰夫約鈞然與秦爲帝而天下獨尊秦而輕齊釋帝則天下愛齊而憎秦伐趙不如伐桀宋之利故願王明釋帝以收天下倍約賓秦無爭重而王以其間舉宋



夫有宋。衛之陽地。危。有濟西。趙之阿東。國危。有淮。北。楚之東。國危。有陶。平。陸。梁。門。不。開。釋。帝。而。貸。之。以。伐。桀。宋之事。國。重。而。名。尊。燕。楚。所。以。形。服。天。下。莫。敢。不。聽。此。湯武之舉也。敬。秦。以。爲。名。而。後。使。天。下。憎。之。此。所。謂。以。卑爲尊者也。願。王。孰。慮。之。於。是。齊。去。帝。復。爲。王。秦。亦。去。帝。位。三。十。八。年。伐。宋。秦。昭。王。怒。曰。吾。愛。宋。與。愛。新。城。陽。晉。同。韓。聶。與。吾。友。也。而。攻。吾。所。愛。何。也。蘇。代。爲。齊。謂。秦。王。曰。韓。聶。之。攻。宋。所。以。爲。王。也。齊。彊。輔。之。以。宋。楚。魏。必。恐。恐。必。西。事。秦。是。王。不。煩。一。兵。不。傷。一。士。無。事。而。割。安。邑。也。此。韓。聶。之。所。禱。於。王。也。秦。王。曰。吾。患。齊。之。難。知。一。從。



史記卷一百一十四

卷一百一十四

一衡其說何也對曰天下國令齊可知乎齊以攻宋其

知事秦以萬乘之國自輔不西事秦則宋治不安中國

白頭游敖之士皆積智欲離齊秦之交伏式結軼西馳

者未有一人言善齊者也伏式結軼東馳者未有一人

言善秦者也何則皆不欲齊秦之合也何晉楚之智而

齊秦之愚也晉楚合必議齊秦齊秦合必圖晉楚請以

此決事秦王曰諾自齊沿王以後齊多難而太史公本戰國策詳次如畫於是齊

遂伐宋宋王出亡死於溫齊南割楚之淮北西侵三晉

欲以并周室為天子泗上諸侯鄒魯之君皆稱讎侯恐

懼三十九年秦來伐拔我列城九四十年燕秦楚三晉



高云：「晉王亡以其強，而為眾所疾，頗與度。」  
聖同一轍。

合謀各出銳師以伐，敗我濟西。王解而却。齊之疆所以  
以走齊王於莒。燕將樂毅遂入臨淄，盡取齊之寶藏器。  
湣王出亡之，衛君辟宮舍之，稱臣而共。湣王不遜，  
患難中猶衛人侵之。湣王去，走鄒魯。有驕色。鄒魯君弗  
內，遂走莒。楚使淖齒將兵救齊，因相齊湣王。淖齒遂殺  
湣王而與燕共分齊之侵地。鹵噐。湣王之遇殺，其子法  
章變名姓為莒太史敫家庸。太史敫女奇法章狀貌，以  
為非恒人，憐而常竊衣食之，而與之私通焉。淖齒既以  
去，莒中人及齊亡臣相聚求湣王子，欲立之。法章懼  
其誅已也，久之乃敢自言：「我湣王子也。」於是莒人共立



法章是爲襄王以保莒城而布告齊國中王已立在莒矣襄王既立立太史氏女爲王后是爲君王后生子建太史敫曰女不取嫌因自嫁非吾種也汙吾世終身不覩君王后君王后賢不以不覩故失人子之禮襄王在莒五年田單以即墨攻破燕軍迎襄王於莒入臨菑齊故地盡復屬齊封田單爲安平君十四年秦擊我剛壽十九年襄王卒子建立王建立六年秦攻趙齊楚救之秦計曰齊楚救趙親則退兵不親遂攻之趙無食請粟於齊齊不聽周子曰不如聽之以退秦兵不聽則秦兵不却是秦之計中而齊楚之計過也且趙之於齊



敵也。猶齒之有脣也。脣亡則齒寒。今日亡趙，明日患及齊、楚。且救趙之務，宜若奉漏卮、沃焦釜也。夫救趙，高義也；却秦，兵顯名也。義救亡國，威却強秦之兵，不務爲此而務愛粟爲國計者，過矣。齊王弗聽。周子之言甚確，惜也。君王后深入秦人之購卒，不救趙而下系秦破趙於長平四十餘萬。某年王建朝秦，某年秦滅其國。而某年秦虜齊王，建惡之，共松栢之歌於今。秦破趙於長平四十餘萬，遂圍邯鄲。十六年，秦滅周。君王后卒。二十三年，秦置東郡。二十八年，王入朝秦。秦王政置酒咸陽。三十五年，秦滅韓。三十七年，秦滅趙。三十八年，燕使荊軻刺秦王。秦王覺殺軻，明年秦破燕。燕王亡走遼東。明年，秦滅魏。秦兵



次於歷下。四十二年，秦滅楚。明年，虜代王嘉滅燕。王喜  
四十四年，秦兵擊齊。齊王聽相后勝計，不戰以兵降秦。  
秦虜王建遷之共，遂滅齊為郡。天下一併於秦。秦王政  
立號為皇帝。始，君王后賢事秦，謹與諸侯信。齊亦東邊  
海上，秦日夜攻三晉、燕、楚，五國各自救於秦，以故王建  
立四十餘年不受兵。君王后死，后勝相齊，多受秦間金，  
多使賓客入秦。秦又多予金，客皆為反間，勸王去從朝  
不修攻戰之備，不助五國攻秦。秦以故得滅五國。  
秦兵卒入臨淄，莫敢格者。王建遂降，遷於共。故齊人怨  
王建，不蚤與諸侯合從攻秦，聽姦臣賓客以亡其國，歌



之曰松耶栢耶住建共者客耶疾建用客之不詳也  
太史公曰蓋孔子晚而喜易易之爲術幽明遠矣非通  
人達才孰能注意焉故周太史之卦田敬仲完占至十  
世之後及完奔齊懿仲卜之亦云田乞及常所以比犯  
二君專齊國政非必事勢之漸然也蓋若遵厭兆祥云

田敬仲完世家終



易言

卷之二十四

五

卷之二十四



史記抄卷之二十五

陳涉世家

二人同起并為一傳○看此篇專在摹寫陳涉亂秦處

陳勝者陽城人也。字涉。吳廣者陽夏人也。字叔。陳涉少時嘗與人傭耕。輟耕之壟上。悵恨久之。曰。苟富貴無相忘。傭者笑而應曰。若為傭耕。何富貴也。陳涉大息曰。嗟乎。燕雀安知鴻鵠之志哉。二世元年七月。發閭左適戍漁陽九百人。屯大澤鄉。陳勝吳廣皆次當行為屯長。會天大雨。道不通。度已失期。失期法皆斬。陳勝吳廣乃謀曰。今亡亦死。舉大名計亦死。等死。死國可乎。陳勝曰。天下苦秦久矣。吾聞二世少子也。不當立。當立者乃公子扶

左傳哀六年楚昭王曰再敗楚師不如死也其死仇乎此文存彼采



蘇扶蘇以數諫故上使外將兵今或聞無罪二世殺之

百姓多聞其賢未知其死也項燕為楚將數有功愛士

卒楚人憐之或以為死或以為亡今誠以吾眾詐自稱

公子扶蘇項燕為天下唱宜多應者吳廣以為然乃行

卜卜者知其指意曰足下事皆成有功然足下卜之鬼

乎陳勝吳廣喜念鬼曰此教我先威眾耳乃丹書帛曰

陳勝王置人所罾魚腹中音曾草亂之初大率從

食得魚腹中書固以怪之矣又間令吳廣之次近所旁

叢祠中夜篝火狐鳴呼曰大楚興陳勝王卒皆夜驚恐

旦日卒中往往語皆指目陳勝吳廣素愛人士卒多為



用者將尉醉。廣故數言欲亡，忿恚尉，令辱之，以激怒其衆。尉果笞廣。尉劍挺，廣起，奪而殺尉。陳勝佐之，并殺兩尉。召令徒屬曰：「公等遇雨，皆已失期，失期當去，藉第令毋斂，而戍死者固十六七。且壯士不死即已，死即舉大名耳，王侯將相寧有種乎？」徒屬皆曰：「敬受命。」乃詐稱公子扶蘇、項燕，從民欲也。袒右，稱大楚，爲壇而盟，祭以尉首。陳勝自立爲將軍，吳廣爲都尉，攻大澤鄉，收而攻蕪湖，斬下，乃令符離人葛嬰將兵，徇蕪湖以東，攻鉅野，苦柘，譙皆下之。行收兵，比至陳，車六七百乘，騎千餘，卒數萬人。攻陳，陳守令皆不在，獨守丞與戰譙門中，弗勝，守丞死，乃



入據陳數日。號令召三老豪傑。與皆來會計事。三老豪  
傑皆曰。將軍身被堅執銳。伐無道。誅暴秦。復立楚國之  
社稷。功宜為王。陳涉乃立為王。號為張楚。當是時。諸郡  
縣苦秦吏者。皆刑其長吏。殺之以應陳涉。乃以吳叔為  
假王。監諸將。以西擊滎陽。令陳人武臣、張耳、陳餘徇趙  
地。令汝陰人鄧宗徇九江郡。當此時。楚兵數千人為聚  
者。不可勝數。葛嬰至東城。立襄彊為楚王。嬰後聞陳王  
已立。因殺襄彊。還報至陳。陳王誅殺葛嬰。陳王令魏人  
周市北徇魏地。吳廣圍滎陽。李由為三川守。守滎陽。吳  
叔弗能下。陳王徵國之豪傑與計。以上蔡人房君蔡賜



視日視日時吉凶不動  
之占也

高云武臣徇趙  
雖即信  
秦王自立然其心甚懷  
王王所以不即為秦感  
而師公以有入國以  
以章抑下德河北擊趙  
而公女兵也然則趙能  
信陳王女為將而天  
乃則大矣

為上柱國周文陳之賢人也嘗為項燕軍視日事春申  
君自言習兵陳王與之將軍印西擊行收兵至關車千  
乘卒數十萬至戲軍焉秦令少府章邯免酈山徒人奴  
產子悉發以擊楚大軍盡敗之周文敗走出關止次曹  
陽二三月章邯追敗之復走次澠池十餘日章邯擊大  
破之周文自剄軍遂不戰武臣到邯鄲自立為趙王陳  
餘為大將軍張耳召騷為左右丞相陳王怒捕繫武臣  
等家室欲誅之柱國曰秦未亡而誅趙王將相家屬此  
生一秦也不如因而立之陳王乃遣使者賀趙而徙繫  
武臣等家屬宮中而封其子張敖為成都君趣趙兵亟



司馬遷事見耳  
餘傳中

高云武臣據趙韓  
唐拔藥河北之勢  
盛章即方威項梁  
未暇殲其餘燄而  
即後河擊趙又掃  
固方所不能後也

韓廣後可見頭  
羽記中

入關趙王將相相與謀曰王王趙非楚意也楚已誅秦  
必加兵於趙計莫如毋西兵使使比徇燕地以自廣也  
趙南據大河北有燕代楚雖勝秦不敢制趙若楚不勝  
秦必重趙趙乘秦之弊可以得志於天下趙王以爲然  
因不西兵而遣故上谷卒史韓廣將兵比徇燕地燕故  
貴人豪傑謂韓廣曰楚已立王趙又已立王燕雖小亦  
萬乘之國也願將軍立爲燕王韓廣曰廣母在趙不可  
燕人曰趙方西憂秦南憂楚其力不能禁我且以楚之  
彊不敢害趙王將相之家趙獨安敢害將軍之家韓廣  
以爲然乃自立爲燕王居數月趙奉燕王母及家屬歸



周市後子見魏  
傳

之燕當此之時諸將之徇地者不可勝數周市北徇地  
至狄狄人田儼殺狄令自立為齊王以齊反擊周市市  
軍散還至魏地欲立魏後故甯陵君咎為魏王時咎在  
陳王所不得之魏魏地已定欲相與立周市為魏王周  
市不肯使者五反陳王乃立甯陵君咎為魏王遣之國  
周市卒為杞將軍田臧等相與謀曰周章軍已破矣秦  
兵旦暮至我圍滎陽城弗能下秦軍至必大敗不如少  
遣兵足以守滎陽悉精兵迎秦軍今假王驕不知兵權  
不可與計非誅之事一恐敗因相與矯王令以誅吳叔  
獻其首於陳王陳王使使賜田臧楚令尹印使為上將



田臧乃使諸將李歸等守滎陽城。自以精兵西迎秦軍。於敖倉與戰。田臧死。軍破。章邯進兵。擊李歸等。滎陽下破之。李歸等死。陽城人鄧說將兵居郟。章邯別將擊破之。鄧說軍散。走陳。鉦人伍徐將兵居許。章邯擊破之。伍徐軍皆散。走陳。陳王誅鄧說。陳王初立時。陵人秦嘉。鉦人董緤。符離人朱離石。取音通。入音秋。盧音日。盧。取慮人鄭布。徐人丁疾等皆特起。將兵圍東海守慶於郟。陳王聞。乃使武平君畔為將軍。監郟下軍。秦嘉不受命。嘉自立為大司馬。惡屬武平君。告軍吏曰。武平君年少。不知兵事。勿聽。因矯以王命殺武平君畔。章邯已破伍徐。擊陳柱國房君死。章邯又



下城父地名父音甫

軍皆著青帛中故曰蒼頭

頭

個目莊賈稱越中

君勝上卦君臣之義揭日月而行也

進兵擊陳西張賀軍陳王出監戰軍破張賀死臈月陳王之汝陰還至下城父其御莊賈殺以降秦陳勝葬碭謚曰隱王陳王故沛人將軍呂臣為倉頭軍起新陽攻陳下之殺莊賈復以陳為楚初陳王至陳令鉅人宋留將兵定南陽入武關留已徇南陽聞陳王死南陽復為秦宋留不能入武關乃東至新蔡遇秦軍宋留以軍降秦秦傳留至咸陽車裂留以徇秦嘉等聞陳王軍破出走乃立景駒為楚王引兵之方與欲擊秦軍定陶下使公孫慶使齊王欲與并力俱進齊王曰聞陳不戰敗不知其死生楚安得不請而立王公孫慶曰齊王請楚而

不字疑是字

王字當是字



秦嘉呂臣後  
俱見項籍紀中

鄱陽即鄱陽縣也于鄱  
為盜故曰盜

夥言獨三子乃方言陳其物  
大而言之詳沈宮室深遠  
之貌

立王。楚何故請齊而立王。且楚首事。當令於天下。田儼  
誅殺公孫慶。秦左右校復攻陳。下之。呂將軍走。收兵復  
聚。鄱盜當陽君黥布之兵相收。復擊秦左右校。破之。青  
波復以陳為楚。會項梁立懷王。孫心為楚王。陳勝王。凡  
六月。已為王。王陳。其故人嘗與庸耕者聞之。之陳扣軍  
門曰。吾欲見涉。宮門令欲縛之。自辨數。乃置。不肯為通。  
陳王出。遮道而呼涉。陳王聞之。乃召見。載與俱歸入宮。  
見毀屋帷帳。客曰。夥順涉之為王。沈沈者。楚人謂多為  
夥。故天下傳之。夥涉為王。由陳涉始。客出入。愈益發舒。  
言陳王故情。或說陳王曰。客愚無知。顓妄言輕威。陳王



斬之。諸陳王故人皆自引去。由是無親陳王者。陳王以朱房爲中正。胡武爲司過。主司羣臣。諸將徇地。至令之不是者。繫而罪之。以苛察爲忠。其所不善者。弗下吏。輒自治之。陳王信用之。諸將以其故不親附。此其所以敗也。陳勝雖已死。其所置遣侯王將相。竟亡秦。涉首事也。高祖時。爲陳涉置守冢三十家。碭至今血食也。褚先生曰。地形險阻。所以爲固也。兵革刑法。所以爲治也。猶未足恃也。夫先王以仁義爲本。而以固塞文法爲枝葉。豈不然哉。

史公贊偶失褚先生引賈誼過秦論上篇補之



陳涉世家終



史記抄卷之二十六

齊悼惠王世家

漢書本此篇全文其叙七王處廢興稍有次第而生色少不如史記

烟波

可愛

齊悼惠王劉肥者高祖長庶男也其母外婦也曰曹氏  
高祖六年立肥為齊王食七十城諸民能齊言者皆予  
齊王齊王孝惠帝兄也孝惠帝二年齊王入朝惠帝與  
齊王燕飲亢禮如家人呂太后怒且誅齊王齊王懼不  
得脫乃用其內史勲計獻城陽郡以為魯元公主湯沐  
邑呂太后喜乃得辭就國悼惠王即位十三年以惠帝  
六年卒子襄立是為哀王哀王元年孝惠帝崩呂太后

呂后紀動作主

吳寬曰即以王國  
紀年此春秋例



凌約言曰此叙齊世家而前後血脉皆以朱虛侯貫之是六一體

史記卷之二十六 漢三百九十五

稱制天下事皆決於高后二年高后立其兄子酈侯呂

台為呂王割齊之濟南郡為呂王奉邑哀王三年其弟

章入宿衛於漢呂太后封為朱虛侯以呂祿女妻之後

四年封章弟興居為東牟侯皆宿衛長安中哀王八年

高后割齊琅琊郡立營陵侯劉澤為琅邪王其明年趙

王友入朝幽死于邸三趙王皆廢高后立諸呂為三王

擅權用事朱虛侯年二十有氣力忿劉氏不得職嘗入

侍高后燕飲高后令朱虛侯劉章為酒吏章白請曰臣

將種也請得以軍法行酒高后曰可酒酣章進飲歌舞

已而曰請為太后言耕田歌高后見子畜之笑曰顧而

特之如子也



父知曰耳若生而爲王子安知田乎章曰臣知之太后

曰試爲我言田章曰深耕穡種立苗欲疏非其種者鋤

而去之呂后默然頃之諸呂有一人醉亡酒章追拔劍

斬之而還報曰有亡酒一人臣謹行法斬之太后左右

皆大驚業已許其軍法無以罪也因罷自是之後諸呂

憚朱虛侯雖大臣皆依朱虛侯劉氏爲益彊其明年高

后崩趙王呂祿爲上將軍呂王產爲相國皆居長安中

聚兵以威大臣欲爲亂朱虛侯章以呂祿女爲婦知其

謀乃使人陰出告其兄齊王欲令發兵西朱虛侯東牟

侯爲內應以誅諸呂因立齊王爲帝齊王旣聞此計乃



與其舅父駟鈞郎中令祝午中尉魏勃陰許發兵齊相  
召平聞之乃發卒衛王宮魏勃給召平曰王欲發兵非  
有漢虎符驗也而相君圖王固善勃請爲君將兵衛衛  
王召平信之乃使魏勃將兵圍王宮勃既將兵使圍相  
府召平曰嗟乎道家之言當斷不斷反受其亂乃是也  
遂自殺於是齊王以駟鈞爲相魏勃爲將軍祝午爲內  
史悉發國中兵齊王詐琅邪王一着甚孟浪已而與大  
臣謀立代王爲天子而齊遂不得立者  
以使祝午東詐琅邪王曰呂氏作亂齊王發兵欲西誅  
之齊王自以兒子年少不習兵革之事願舉國委大王  
大王自高帝將也習戰事齊王不敢離兵使臣請大王



幸之臨薊見齊王計事并將齊兵以西平關中之亂琅邪王信之以爲然西馳見齊王齊王與魏勃等因留琅邪王而使祝午盡發琅邪國而并將其兵琅邪王劉澤既見欺不得反國乃說齊王曰齊悼惠王高皇帝長子推本言之而大王高皇帝適長孫也當立今諸大臣狐疑未有所定而澤於劉氏最爲長年大臣固待澤決計今大王留臣無爲也不如使我入關計事齊王以爲然乃益具車送琅邪王琅邪王既行齊遂舉兵西攻呂國之濟南於是齊哀王遺諸侯王書曰高帝平定天下王諸子弟悼惠王於齊悼惠王薨惠帝使留侯張良立臣爲



齊王惠帝崩高后用事春秋高聽諸呂擅廢高帝所立  
又殺三趙王滅梁燕趙以王諸呂分齊國爲四忠臣進  
諫上惑亂不聽今高后崩皇帝春秋富未能治天下固  
恃大臣諸將今諸呂又擅自尊官聚兵嚴威劫列侯忠  
臣矯制以令天下宗廟所以危今寡人率兵入誅不當  
爲王者漢聞齊發兵而西相國呂產乃遣大將軍灌嬰  
東擊之灌嬰至滎陽乃謀曰諸呂將兵居關中欲危劉  
氏而自立我今破齊還報是益呂氏資也乃留兵屯滎  
陽使使喻齊王及諸侯與連和以待呂氏之變而共誅  
之齊王聞之乃西取其故濟南郡亦屯兵於齊西界以



凌約言曰叙誅諸  
呂曰首先曰於是  
乃得而朱虛侯太  
尉丞相其乃大  
小具是之何等第

待約朱虛所以首斬呂產詳在傳

呂祿呂產欲作亂關中朱虛侯與

太尉勃丞相平等誅之朱虛侯首先斬呂產於是太尉

勃等乃得盡誅諸呂而琅邪王亦從齊至長安大臣議

欲立齊王而琅邪王及大臣曰齊王母家駟鉤惡矣虎

而冠者也方以呂氏故幾亂天下今又立齊王是欲復

為呂氏也代王母家薄氏君子長者且代王又親高帝

子於今見在且最為長以子則順以善人則大臣安於

是大臣乃謀迎立代王而遣朱虛侯以誅結前案呂氏事告齊

王令罷兵灌嬰在滎陽聞魏勃本教齊王反既誅呂氏

罷齊兵自灌嬰在滎陽起至重於齊相止總只是詳使



使召責問魏勃曰失火之家豈暇先言大人而後救火乎因退立股戰而栗恐不能言者終無他語灌將軍熟視笑曰人謂魏勃勇妄庸人耳何能爲乎乃罷魏勃魏勃父以善鼓琴見秦皇帝及魏勃少時欲求見齊相曹參家貧無以自通乃常獨早夜掃齊相舍人門外相舍人怪之以爲物而伺之得勃勃曰願見相君無因故爲子掃欲以求見於是舍人見勃曹參因以爲舍人一爲參御言事參以爲賢言之齊悼惠王悼惠王召見則拜爲內史始悼惠王得自置二千石及悼惠王卒而哀王立勃用事重於齊相王旣罷兵歸而代王立來是爲孝



高云齊王下宗  
此已作其後支  
七王反另起

文帝。孝文帝元年。盡以高后時所割齊之城陽琅邪濟南郡復與齊。而徙琅邪王王燕。益封朱虛侯東牟侯各二千戶。是歲齊哀王卒。太子側立。是為文王。齊文王元年。漢以齊之城陽郡立朱虛侯為城陽王。以齊濟北郡立東牟侯為濟北王。二年。濟北王反。漢誅殺之地入于漢。後二年。孝文帝盡封齊悼惠王子罷軍等七人。皆為列侯。齊文王立十四年卒。無子。國除。地入于漢。後一歲。孝文帝以所封悼惠王子分齊為王。齊孝王將閭以悼惠王子楊虛侯為齊王。此既曰元侯必係一王與齊之易甚非采心故齊別郡盡以王悼惠王子子志為濟北王。子辟光為濟南王。子賢為菑川王。子卬為



此段是抄以下  
逐著此廢之  
晏

史記卷之二十一  
五  
江四百三十八

膠西王子雄渠爲膠東王與城陽齊凡七王齊孝王十  
一年吳王濞楚王戊反興兵西告諸侯曰將誅漢賊臣  
鼂錯以安宗廟膠西膠東菑川濟南皆擅發兵應吳楚  
欲與齊齊孝王狐疑城守不聽三國兵共圍齊齊王使  
路中大夫告於天子天子復命路中大夫還告齊王善  
堅守吾兵今破吳楚矣路中大夫至三國兵圍臨菑數  
重無從入三國將劫與路中大夫盟曰若反言漢已破  
矣齊趣下三國不且見屠路中大夫既許之至城下望  
見齊王曰漢已發兵百萬使太尉周亞夫擊破吳楚方  
引兵救齊齊必堅守無下路中大夫有古烈士風三國將誅路中大夫齊初圍



急陰與三國通謀約未定會聞路中大夫從漢來喜及其大臣乃復勸王毋下三國居無何漢將欒布平陽侯等兵至齊擊破三國兵解齊圍已而復聞齊初與三國有謀將欲移兵伐齊齊孝王懼乃飲藥自殺景帝聞之以爲齊首善以迫劫有謀非其罪也乃立孝王太子壽爲齊王是爲懿王續齊後而膠西膠東濟南菑川王咸誅滅地入於漢徙濟北王王菑川齊懿王立二十二年卒子次景立是爲厲王齊厲王其母曰紀太后太后取其弟紀氏女爲厲王后王不愛紀氏女太后欲其家重寵令其長女紀翁主入王宮正其後宮母令得近王欲



令愛紀氏女。王因與其姊翁主。齊有宦者徐甲入事漢皇太后。皇太后有愛女曰脩成君。脩成君非劉氏太后憐之。脩成君有女名娥。太后欲嫁之於諸侯。宦者甲乃請使齊。必令王上書請娥。皇太后喜。使甲之齊。是時齊人主父偃知甲之使齊以取后事。亦因謂甲即事成。幸言偃女。願得充王後宮。甲既至齊。風以此事。紀太后大怒曰。王有后。後宮具備。且甲齊貧人。急乃爲宦者入事漢。無補益。乃欲亂吾王家。且主父偃何爲者。乃欲以女充後宮。徐甲大窮。還報皇太后曰。王已願尚娥。然有一害。恐如燕王。燕王者。與其子昆弟。新坐以死亡。國



故以燕感太后。太后曰：「無復言嫁女齊事。」事浸漏，不得聞於天子。主父偃由此亦與齊有卻。主父偃方幸於天子，用事，因言齊臨菑十萬戶，市租千金，人衆殷富，巨於長安。此非天子親弟愛子，不得王此。今齊王於親屬益疎，乃從容言呂太后時，齊欲反，吳楚時孝王幾爲亂。今聞齊王與其姊亂，於是天子乃拜主父偃爲齊相，且正其事。主父偃旣至齊，乃急治王後宮宦者，爲王通於姊翁主所者，令其辭證皆引王。王年少，懼大罪，爲吏所執，誅乃飲藥自殺。絕無後。是時趙王懼主父偃一出廢齊，恐其漸疎骨肉，乃上書言偃受金及輕重之短。天子亦



既囚偃公孫弘言齊王以憂死母後國入漢非誅偃無

以塞天下之望遂誅偃齊厲王立五年死母後國入於

漢齊悼惠王後尚有二國城陽及菑川地比齊天子憐

齊為悼惠王冢園在郡割臨菑東環悼惠王冢園邑盡

以予菑川以奉悼惠王祭祀復中以前齊始末已完以後復

君志濟南王辟光菑川王賢膠西王卬膠東王雄七王興廢次第矣城陽景王章齊悼惠

王子以朱虛侯與大臣共誅諸呂而章身首先斬相國

呂王產於未央宮孝文帝既立益封章二千戶賜金千

斤孝文帝二年以齊之城陽郡立章為城陽王立二年

卒子喜立是為共王共王八年徙王淮南四年復還王



城陽凡三十三年卒。子建延立。是爲頃王。頃王二十八  
年卒。子義立。是爲敬王。敬王九年卒。子武立。是爲惠王。  
惠王十一年卒。子順立。是爲荒王。荒王四十六年卒。子  
恢立。是爲戴王。戴王八年卒。子景立。至建始三年十五  
歲卒。齊北王興居。齊悼惠王子。以東牟侯助大臣誅諸  
呂。功少。及文帝從代來。興居曰。請與太僕嬰入清宮。廢  
少帝。共與大臣尊立孝文帝。孝文帝二年。以齊之濟北  
郡立興居爲濟北王。與城陽王俱立。立二年。反。始大臣  
誅呂時。朱虛侯功尤大。許盡以趙地王朱虛侯。盡以梁  
地王東牟侯。及孝文帝立。聞朱虛東牟之初欲立齊王。



故紂其功

朱虛東牟二侯有功王室安得以紂欲立齊之故紂其功是自起亂階也

及二年

王諸子乃割齊二郡以王章興居章興居自以失職奪

功章死而興居聞匈奴大入漢漢多發兵使丞相灌嬰

擊之文帝親幸太原以爲天子自擊胡遂發兵反於濟

北天子聞之罷丞相及行兵皆歸長安使棘蒲侯柴將

軍擊破虜濟北王王自殺地入於漢爲郡後十二年文

帝十六年復以齊悼惠王子安都侯志爲濟北王十一

年吳楚反時志堅守不與諸侯合謀吳楚已平徙志王

薊山濟南王辟光齊悼惠王子以勤侯孝文帝十六年

爲濟南王十一年與吳楚反漢擊破殺辟光以濟南王



郡地入於漢。菑川王賢、齊悼惠王子，以武城侯。文帝十六年，爲菑川王。十一年，與吳、楚反。漢擊破，殺賢。天子因徙濟北王志。王志，菑川志，以齊悼惠王子，以安都侯。王濟比菑川王反，母後乃徙濟北王。王菑川，凡立三十五年卒。謚爲懿王。子建代立，是爲靖王。二十年卒。子遺代立，是爲頃王。三十六年卒。子終古立，是爲思王。二十八年卒。子尚立，是爲孝王。五年卒。子橫立，至建始三年十一歲卒。膠西王卬，齊悼惠王子，以昌平侯。文帝十六年，爲膠西王。十一年，與吳、楚反。漢擊破，殺卬。地入於漢，爲膠西郡。膠東王雄渠，齊悼惠王子，以白石侯。文帝十六年，




爲膠東王。十一年與吳楚反。漢擊破殺雄。渠地入於漢。  
爲膠東郡。

太史公曰。諸侯大國無過齊悼惠王。以海內初定。子弟  
少。激秦之無尺土封。故大封同姓。以填萬民之心。及後  
分裂。固其理也。

齊悼惠王世家終







卷之十  
一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

齊嶧王世家終



